

ŽRTVOSLOV BOŠNJAČKOG STANOVNIŠTVA S **PODRUČJA OPĆINE** GRAČANICA 1941.-1945. (DRUGI DIO: PRIBAVA)

PRIREDILI:

Dr. sc. Omer Hamzić,

Edin Šaković, prof. i

Jasmin Jukan



STRADALNICI DRUGOG SVJETSKOG RATA I PORAČA IZ PRIBAVE

Kao nastavak prvog dijela žrtvoslova bošnjačkog stanovništva Gračanice i okoline, objavljenog u prethodnom broju *Gračaničkog glasnika*, objavljujemo podatke za naselje Pribava, danas samostalnu mjesnu zajednicu, koja se u ono doba smatrala jednom od gračaničkih mahala. Podatke je prikupio **g. Jasmin Jukan** iz Pribave, a obradio **Edin Šaković**. Anketari koji su davali podatke su navedeni u samom tekstu. Ukupno je stradalo 20 mještana Pribave, što – uzimajući u obzir činjenica da naselje 1945. nije brojalo ni trideset domova – predstavlja izuzetno velik demografski gubitak.

A) "Odstupili" 1945. – žrtve Bleiburga i križnih puteva

BAJRIĆ Mušan zv. Mujo, sin Mustafe, rođen 1890., oženjen, žena Azemina, četvero djece, zemljoradnik. Služio u zelenom kadru, odstupio 1945., ostali podaci nepoznati. Informator: Kamarić Ibrahim, 1924.

BEĆAREVIĆ Sulejman, ime oca nepoznato, oženjen, četvero djece, zemljoradnik. Služio u Domobranstvu, odstupio 1945. Informator: Kamarić Ibrahim, 1924..

DŽAMBO Hasan, sin Mehmeda, oženjen, zemljoradnik. Služio u zelenom kadru, odstupio 1945., zajedno sa si-

nom Mehmedom, Ademom Halidovićem i njegovom grupom (Hašim Halidović, Hasib i Himzo Jukan, Džemal Muftić), jer su bili nerazdvojni drugovi. Informator: Ismet Džambo, 1936.

DŽAMBO Mehmed, sin Hasana, rođen 1923., neoženjen, zemljoradnik. Služio u zelenom kadru, odstupio 1945., zajedno sa svojim ocem Hasanom (Hasom), Ademom Halidovićem i njegovom grupom. Informator: Ismet Džambo, bratić, 1936.

HALIDOVIĆ Adem, sin Emina, rođen 1922., oženjen, žena Jukan (Rahme) Tima, ostala trudna nakon njegovog povlačenja. Zemljoradnik. Služio u zelenom kadru, kao komandir voda i bio zapovjednik odbrane položaja na Muderizovom brdu. Odstupio 1945. godine, zadnji puta su ga vidjeli: brat Hašim Halidović, Avdo Jukan, Suljo Kape-tančić i još nekoliko drugova dok su partizani razdvajali maloljetne i punoljetne zarobljenike u Gorici. Na tom mjestu gubi mu se svaki trag, dok su njegovi drugovi sprovedeni u logor u Srbiju, odakle su se kasnije vratili svojim kućama. Informatori: Hazim Halidović, rođak, Dževad Halidović, bratić i Ibrahim Kamarić.¹

HODŽIĆ Ramo, sin Avde, rođen 1923., zemljoradnik. Služio u Domobranstvu, odstupio 1945., ostali podaci nepoznati. Informator: Kamarić Ibrahim, 1924..

JUKAN Hasib, sin Bege, rođen 1921., oženjen, iza njega ostali sin i kćerka. Služio u domobranstvu, odstupio 1945. zajedno sa rođakom Himzom Jukanom. Informator: Jukan Hilmo, anketar: Jukan Jasmin, evidentirano 02. 07. 2010.

JUKAN Himzo, sin Rahme, rođen 1920., oženjen (žena: Mevka, kći Hruste Kamarića), bez djece. Služio u domobranstvu, odstupio zajedno sa rođakom Hasibom Jukanom. Informator Jukan Hilmo, brat.

MUFTIĆ Džemal, sin Muhameda, rođen 1922., oženjen, žena Rukija, bez djece, zemljoradnik, Služio u zelenom kadru, od-

stupio 1945., u grupi Adema Halidovića. Informator: Hedija Jukan, bratišna.

ŽEPIĆ Avdo, sin Mehana, rođen 1920, oženjen (iza njega ostala žena i djeca, braća i sestre), zemljoradnik. Služio u Domobranstvu, odstupio 1945. godine zajedno sa Himzom i Hasibom Jukanom iz Pribave. Informator: Zarifa Žepić, sestra.

B) Ubijeni u poraću u blizini svojih kuća (od OZN-e, KNOJ-a, milicije)

BAJRIĆ Hazim, sin Ahmeta, rođen 1920., neoženjen, učitelj i rezervni podoficir, služio u ustašama (rojnici po činu). Ubijen 1946. godine zajedno sa Mujom Softićem i Jukić Omerom zv. Omo u Donjoj Lohinji. Oni su se pred progonima vlasti skrivali u jednoj kolibi, kada ih je pronašla OZNA i milicija (izgleda da je u pitanju bila izdaja). Navodno je njih rafalno pucao Nikola Đurić. Iza njega ostala majka Nesiba, brat Ibro i sestra Fata. Informator: Ahmet Bajrić, bratić.

JUKIĆ Omer zv. Omo, sin Bege, rođen 1920., zemljoradnik., služio u ustašama, ubijen 1946. godine zajedno sa Mujom Softićem i Bajrić Hazimom u Donjoj Lohinji. Informatori: Sena Žepić rođ. Jukić (sestra), Ahmet Bajrić i Ibrahim Kamarić.

SOFTIĆ Mujo, sin Okana, rođen 1924., zemljoradnik, neoženjen, služio u ustašama, ubijen 1946. godine zajedno sa Mujom Softićem i Bajrić Hazimom u Donjoj Lohinji. Informator: Ahmet Bajrić.

C) Poginuli u borbi u toku rata (uključujući poginule u borbi prilikom odstupanja 1945.)

DŽANANOVIĆ Hasan, ime oca nepoznato, rođen 1913., oženjen (djeca Velija i Alija), zaimanje nepoznato, služio u zelenom kadru. Poginuo 1945. u Klokotnici pri povlačenju ispred partizanske vojske. Informator: Kamarić Ibrahim, 1924.

FEJZIĆ Osman, ime oca nepoznato, godina rođenja nepoznata, oženjen, osmero djece, tokom rata radio u općini Gračani-ca kao ložać i čistač ulica. Uhvaćen prilikom

¹ Uporedi iskaz Abaza Gazibegovića, koji objavljuje-mo u ovom broju Časopisa.

racije u Gračanici, vjerovatno u drugoj polovini 1943. godine i prisilno mobilisan u 13. SS diviziju. Od tada se o njemu ništa ne zna niti ga je kad ko vidio. Informator: Džambo Paša, 1920.

HALIDović Salim, sina Nazifa, **rođen 1929.**, neoženjen, zemljoradnik, služio XXV. ustaškoj bojni Ibrahima Pjanića, upmaćen je kao izuzetno hrabar borac. Poginuo je 1945. godine u jednom savezničkom ili partizanskom avionskom napadu, negdje kod Dervente, tokom odstupanja prema Zagrebu. Informator: Halidović Hazim – brat ubijenog.

KAMARIĆ Meho, sin Avde, rođen 1913., oženjen, bez djece, zemljoradnik, služio u legiji. U nekom sukobu sa četnicima ranjen je 1942. godine u Donjoj Lohinji, odakle je transportovan vozom u bolnicu u Sarajevo, gdje je podlegao ranama. Informator: Ibrahim Kamarić, 1924..

KOPAČIĆ Husejn, sin Husejna, rođen 1920., oženjen, bez djece, zemljoradnik.

Služio u domobranima i ustašama. Poginuo pri povlačenju (odstupanju) ispred partizana 1945. godine kod Cazina, u borbama za Bihać. Sa njime je bio suborac Avdo Hasanović, koji je zarobljen i ostao živ. Danas živi u Pribavi. Informator: Avdo Hasanović, 1920. sudionik događaja i Sejfudin Kopačić, bratić poginulog.

MEHURIĆ Avdo, sin Ragiba, rođen 1924., oženjen (kćerka Rabija), zemljoradnik. Služio u legiji i domobranima. Poginuo zajedno sa Kopačić Husejnom pri povlačenju (odstupanju) ispred partizana 1945. godine kod Cazina, u borbama za Bihać. Informator: Kamarić Ibrahim, 1924., i Avdo Hasanović, 1920., učesnik događaja.

MUSTAJBAŠIĆ Hazim, sin Salkana, rođen 1912, Mustajbašići, oženjen, zemljoradnik, služio u zelenom kadru, poginuo 1945. u odbrani Gračanice od partizana na položajima Muderizovo brdu. Informator: Kamarić Ibrahim, 1924.

